

Հ. Ս. ՄՈՒՐԱԴՅԱՆ

ԲՈՒՐԺՈՒԱԿԱՆ ԲԱՐՔԵՐԻ ՔՆՆԱԴԱՏՈՒԹՅՈՒՆԸ ՇԻՐՎԱՆՋԱԴԵԻ ՄԵՄՈՒԱՐՆԵՐՈՒՄ

«Կյանքի բովից»-ի առաջին հրատարակության մեջ Շիրվանզադեն գրում է. «Երկրորդ մասը կամփոփի իր մեջ երիտասարդութեանս շրջանում տեսածներս ու կրածս»¹։

Հակառակ այս հավաստիացմանը Շիրվանզադեն «Կյանքի բովից»-ի երկրորդ մասում շարադրում է իր հասուն շրջանի տպավորությունները, որոնք նա գրի է առել Եվրոպայում՝ մասնավորապես Գերմանիայում, Ֆրանսիայում, Շվեյցարիայում եղած տարիներին (1905—1910 թթ.)։

«Գրականության տարի չէր 1905 թվականը։ Որքան ևս ամուր ներվեր ունենար գրչի մարդը, չէր կարող հանգիստ նստել գրասենյակի քով։ Եվ ո՞վ կտար նրան հանգստություն, քանի որ միջավայրը խռովվել էր... Ռուսաստանում գրեթե հեղափոխություն էր, Կովկասում առաջժամ միայն ազգամիջյան ընդհարումներ և արյունահեղություն» (հ. 8, էջ 226)²։ Նույն միտքը մի այլ երանգով նա արտահայտում է 1910 թ. «Օտար վայրերում» ուղեգրության մեջ, դարձյալ արտասահման մեկնելուց առաջ։

Միջավայրն այնքան անհրապույր և վժռանգավոր է թվում նրան, որ տարիներ հետո, վերհիշելով այդ պահը գրում է.

«Երբեք չեմ մոռանալ այն երջանիկ ժամը, երբ առաջին անգամ ոտք դրեցի ցարական Ռուսիայի սահմաններից դուրս» (հ. 8, էջ 229)։

1905 թ. ռուսական հեղափոխության մասին Շիրվանզադեն ոչինչ չի գրում, պարզապես քաղաքականությունից խուսափելու համար։ Այդ «փոթորկված երկրի» քաղաքական միջավայրի երկյուղը շատ խոր է նստած նրա բանալի խուցի լռությունը ճաշակած հոգու վրա, բայց նա չի կարողանում, և չէր էլ կարող խուսափել իրական կյանքի պատկերներից։

Կյանքի ռեալիստական ընկալման նրա մեթոդը, գեղարվեստական գործերի շարադրման, թե հուշագրության պահերին, ի վերջո նրան թելադրում է այն, ինչ կա իրականության մեջ՝ շրջապատող միջավայրում։

Բուրժուական աշխարհի համայնապատկերն՝ իր բացահայտ հակասություններով նրան տալիս է «գեղեցկուհի Ֆրանսիայի» (Մ. Գորկի) մայրաքաղաքը՝ Փարիզը։ Մեմուարիստն իր աչքերով տեսնում է բուրժուական հասարակարգի միջավայրում հասակ առած այդ «առասպելական գեղեցկուհու» ապականված մարմնի վերքերը։

«Կյանքիս մեջ միայն երկու բան իրենց գեղեցկությամբ ու հղորությամբ չեն խաբել իմ երևակայությունը — նիսգարայի ջրվեժը և Վեզուվի հրաբուխը։ Այնտեղ իրականությունն իմ ենթագրությունից բարձր է եղել։ Ինձ ավելի ապշեցուցիչ թվաց մի այլ բան — այդ խլացուցիչ ու աղմկարար փարթամության մեջ խուլ մրմնջող սովի ու անոթության հազարավոր ձայները. մուրացիկների այդ ահագին բազմությունը, որ ամեն քայլում կտրում է անցուղի ճամփան, մանավանդ նորեկ և օտարական անցորդներին։ Հարկավ, ես այնքան պարզամիտ ու անտեղյակ չէի, որ կարծեի, թե մեծ քաղաքներում բոլոր ուրվայնները կուշտ են և ոչ մեկի ձեռք ամոթահար չի պարզվում մի ուրիշի առջև «հանուն աստծո» կամ «հանուն խղճի»։ Գիտեի, որ շքահղորդներն ամենուրեք մարդկության խոցն է, բայց չգիտեի, որ նրա պատկերներն այդչափ բազմաթիվ են, այդչափ այլանդակ և այդչափ ամոթալի» (հ. 8, էջ 235—236)։

Հասարակական կյանքի հակասություններն այնքան ճշացող են ու խոր, որ մեմուարիստը աղքատության ծայրահեղությունը համեմատում է նիսգարայի վեհության ու հղորության հետ։ Իսկ նրանից սպասվող վտանգը՝ Վեզուվի պատճառած տաճնապի հետ։ Այս համեմատություն-

1 Ե ի Ր Վ ա ն դ ա դ ե, Ժողովածու երկերի, հ. 4, Թիֆլիս, 1912, էջ 430։

2 Այս և հետագա մեջբերումները «հ. 8» նշմամբ կատարված են Շիրվանզադեի Երկերի լիակատար ժողովածուի 1951 թ. հրատարակությունից։

ները կամ ավելի շուտ դրանք կողք-կողքի դնելը՝ երևույթը պատկերացնելու դիտավորությամբ, ամենևին էլ պատահական չէ։ Շիրվանզադեն հետևողականորեն նկարագրում է հարստահարության պատճառած հետևանքները։ Փարիզի կուշտ դասակարգի աչքերի առաջ տեղի են ունենում աներկակայելի անձնագոհություններ, հանուն մի պատառ հացի։ Գոյության կոիվը մարդուն հարկադրում է դիմել ամեն ինչի։ Ընթերցողի հիշողությունից երկար ժամանակ չեն հեռանում նույնիսկ այն անանուն կերպարները, որոնց հեղինակը բնութագրում է ընդամենը մեկ նախադասությամբ կամ մեկ պարբերությամբ։

Ահա մի տխուր պատկեր՝ շոպյություն մեջ ճոխփացող Փարիզից։ Առաջնակարգ կաֆեներից մեկի առաջ հաղիվ քսան տարեկան մի տղա, որը մարմնավոր, թերություն չունի, աշխատանքի կարող, բայց աշխատանք չունի, զրավել է անցորդների ուշադրությունը։ Կարիքը նրան թելադրել է առողջությանն սպառնացող մի ծանր զբաղմունք։ Ձեռքի փայտի կտորը, որի ծայրին լաթի կտոր կա փաթաթված, թաթախում է նա նավթով լի սափորի մեջ և մտցնում բերանը։ Այդ սարսափելի «համարը» մի քանի անգամ կրկնելուց հետո նա նավթ է լցնում բերանը և վառում։ Բոցը խուլ պայթյունով դուրս է գալիս նրա բերանից։ Շուրջը հավաքված ամբոխը հեռանում է «անտարբեր ու հեզորեն ժպտալով» գունատ ու հուզված այդ երիտասարդից, երբ նա գլխարկը պարզում է նայողներին՝ իր «վարձը» մուրալու։ Այնուամենայնիվ, մի քանիսը պղնձե դրամներ են զցում գլխարկի մեջ։ Քաղցը և հոգեկան տառապանքներն այդպես աղավաղում են մարդկանց և անտարբերությամբ շարտում փողոց։

Ավելի ծանր է կարիքի ճիրանների մեջ նետված աղքատ և կնոջ վիճակը։ Քաղցն ու ցուրտը ի վերջո հանձնում են նրանց պրաստիտուցիայի անողորմ ճակատագրի քմահաճությին։ Կոնկրետ, կենդանի փաստերով Շիրվանզադեն մատնացույց է անում բուրժուական աշխարհի ակնհայտ հակասությունները՝ մի կողմում «կշտություն», «ինքնագոհություն», մյուս կողմում՝ ահավոր, սրտամաշ տառապանքներ։ Մեծահար, գունատ ու կծկված մի ծերունի խաղալիքներ է վաճառում, մյուսը՝ մի այլ բան։ Բայց ցրտի ու կարիքի մեջ խարխափող այդ թշվառների հառաչանքներն ի վերջո սովորական են դառնում նույնիսկ օտարականի համար։ Սովորական են դառնում նաև «հարյուրավոր ու հազարավոր գիշերային թթիթեռները» որոնք «թանձր շպարած երեսների յուղոտ ժպիտներով» առաջարկում են իրենց «լվկված ու կազմալուծված» մարմինները Փառիզի զբոսայգիներում ու կավատների առաջարկած տներում։ Դրանք բուրժուական աշխարհի հուլիտենական զոհերն են, որոնց հղիացած Փարիզը հազարներով է շարտել այդ պճնազարդ բուլվարների վրա, հարկավ կանխավ քամելով նրանց թարմ հյութը, ճիշտ այնպես, ինչպես վամպիրն է ձգում իր զոհին, երբ աբղեն կշտացել է նրա արյունով» (հ. 8, էջ 237)։

Կան ավելի վատթարագույն փաստեր, որոնք հոգեհարազատ են բուրժուական աշխարհի այդ ամոթալի միջավայրին։ Մեմուարիստը հրապարակում է դառն ճշմարտություններ. նա դեն է նետում բուրժուական քաղաքի պճնազարդ քողը և իր կշտամբող ձայնով անարգում նրա իսկական էությունը։

Կան և փաստեր, որոնց չի կարող ընտելանալ ոչ միայն տեսողությունը, այլև մարդու հոգին։ Դրանք տակնուվրա են անում մարդու հոգեկան աշխարհը,՝ «զրզռելով նրա ծայրագույն նողկանքն ու զզվանքը»։ Կանայք հաճախ իրենց մարմինները վաճառքի են հանում միջնորդների միջոցով։ Նողկալի առևտրի այդ միջնորդները լուսանկարներով ունկլամում են մատուցվելիք «ապրանքը», որը գայթակղում է հատկապես օտարականին։ Իսկ փարիզցին սնորհկի քայլածքից ու դեմքի շվարած արտահայտությունից իսկույն զգում է, որ օտարականը ծանոթ չէ քաղաքի վարք ու բարքին։ Կավատի ամոթալի զբաղմունքը նա սթողում է quide (առաջնորդ) անվան տակ և կատարում իր դերը, որին դարձյալ մղել են կարիքն ու շվախության ազատ, անկաշկանդ դարձած նողկալի սովորույթը։

«Նայեցեք, դիրքերի մի ամբողջ սերիա, և բոլորը թարմ, սկսած ինը տարեկանից... գնանք չեք զղջա, շատ զոհ կմնաք, երաշխավոր եմ» — հրավիրվող անձի քթին մոտեցնելով կանանց մերկությունը ցուցադրող լուսանկարները, ասում է կավատը և առաջարկում իր «ծառայությունը»։

Ահա ինչի համար են երաշխավորում հաճախ «պատկանելի տարիքով» մարդիկ բուրժուական աշխարհում։

Ճշմարտությունն ինքը մերկ է, բայց ավելի է մերկանում մեմուարիստի գրչի տակ։ Այս տխուր փաստերը մեմուարիստը շարտում է բուրժուական աշխարհի երեսին՝ որպես նրա այլանդակ բարքերի պտուղներ։

Մեմուարիստը թեև թուղթիկ, էպիզոդներով, բայց փորձում է տալ նաև Փարիզի աշխատավոր մարդուն, որի «առասպելական խնայողությունը հաճախ հասնում է ժլատության» (հ. 8,

էջ 240)։ Առաջին աշխատավոր մարդիկ, որ արժանանում են մեմուարիստի գրչին, սրճարանների ու պասաժորներն են, որոնք առավոտյան ժամը 8-ից աշխատում են մինչև զիշերվա ժամը 2-ը, այսինքն տասնյոթ ժամ. և առանց աշխատավարձի։ Հաճախ իրենք են վճարում սրճարանի տիրոջը՝ ափսե կամ բաժակ կոտլետու համար, նույնիսկ այն ժամանակ, երբ չեն կոտրում։

«Նրանց վարձը «պուրբուարն» է, այն տասը տոկոսը, որ այցելուն շարտում է նրանց շատ անգամ մտքում տրտնջալով» (հ. 8, էջ 251)։

Դա է սրճարանի աշխատողի վաստակը։ Բայց դա այն աշխատավորն է, որին նախանձով են նայում քաղցի մատնված, բորսայում աշխատանք աղերսող մշակը և «կաբարե»-ների, «բիստրո»-ների շուրջը սլտավող «զիշերային թռչնիկները»։

Շիրվանշահեն առանձնակի ուժով է տալիս հարյուր-հաղարավոր այդպիսիների կյանքի ողբերգական պատկերը, նրանց համեմատում է պարսկական ճանապարհանորդների այն բորոտների հետ, որոնք վնդված են կյանքից, հասարակական միջավայրից և դատապարտված սովի նվաստացնող տխուր ճակատագրին։

Դրանք «բուրժուազիայի առօրյա ապականության, կեղտերի ու ոճիրների զոհերն են, նույն բուրժուազիայից հալածված», — գրում է Շիրվանշահեն (հ. 8, էջ 271)։ Եվ զիշերային այդ «թռչնիկները» ուրիշ կերպ չեն կարող վրեժխնդիր լինել փողոց նետող հարուստներից, քան այն, որ հաճախ «իրենց մարմնավոր ախտերով» վարակում են նրանց «զիտակցաբար կամ զիտակցելով, որ մարդկությանը վերադարձնում են այն, ինչ որ ստացել են նրանից» (հ. 8, էջ 272)։

Խշվառ կացության մեջ է բանվորը, մշակը։ Նրա օրավարձն այնքան է, որ «հազիվ-հազ փրկում է նրան սովամահ լինելուց» (հ. 8, էջ 275)։ Այնքան քիչ է այդ օրավարձը, որ աշխատանքից հետո նա հարկադրված է... սրտի դողով հավաքում է շուկայի վաճառասեղանների դարակներից դեն շարտած մսի կտորները, և ձկների հոտած զլուխներն ու պոչերը։

Կապիտալի աշխարհում հարստությունը կուտակվում է մի խումբ մարդկանց ձեռքում, իսկ հասարակության մեծագույն մասն այդ խշվառ պայմաններում է։

Շիրվանշահեն արվեստագետի ներանկատության մասին է նկարագրում Փարիզի շուկան։ Տիպիկ շտրիխներով բնութագրում է գնորդներին ու վաճառասեղանի առաջ կանգնած «իրենց իրավունքների զիտակցությամբ դոռող» ապրանքատերերին։ Բայց այդ բոլորն այնքան աղդեցիկ տպավորություն չեն թողնում, որքան մսավաճառները, որոնք «լայնասայր դանակներով և արյունաներկ շապիկներով նմանվում են պարսկական ֆառաշների»։ Որվա վերջում նրանք դեն են ձգում իրենց արյունաշաղախ շապիկները, նստում «անկիզբի սնդուկների» առաջ, հաշվում օրվա «վաստակը»։

Եվ այս բոլորի կողքին մթերքների ու բանջարեղենի մնացորդների ապականության մեջ մուրացկանները «անտեր շների ու կատուների և առնետների ընկերակցությամբ» որոնում են իրենց օրվա պարենը։

Սրանք տխուր հակապատկերներ են՝ մի կողմում հաստափոր, հաստասլաքանոց, կարմրերեն մարդիկ. ցոփության և անտարբերության աստիճանի կշտություն, մյուս կողմում կարիքը՝ մուրացկանի տխուր կերպարանքով։

Բայց շուկայի խորհրդավորությունը թաքնված է նրա ներքնահարկերում, ուր կավատներն ու վհուկներն իրենց նենգ որոգայթներով շահագործում են անգամ ապաշներին։ Այնտեղ գեղեցկուհիները կարթախայծերի նման, գայթակղում, դեպի իրենց են քաշում օտարականներին (և ոչ միայն նրանց) ու կողոպտում։

Փարիզի օրինակով մեմուարիստը տալիս է բուրժուական աշխարհի դասակարգային շերտավորումը։ Նրա մեմուարներում, ի վերջո, Փարիզը ներկայանում է երկու տեսքով՝ խոսքը նրա արտաքին տեսքի ու զեղեցկության մասին չէ, այլ նրա բուն բովանդակության։ Առավոտյան վաղ արթնանում է Փարիզը, արթնանում է, բայց «ոչ հղկված, չսլարված, ոչ արյունն ծծող, ոչ ըստ արհեստի ոճրագործ, ըստ էության լկտի ու անպատկառ Փարիզը — բուրժուազիան, այլ ուշադրաշարժ Փարիզը — պրոլետարիատը։ Այն, որ արեղակի ծագումից սկսած մինչև նրա մուտքը և էլի ավելի տքնում է աշխատանքի երկաթյա լծի տակ։ Այն, որ շինում է և չի շահվում, տեղծագործում է և չի վայելում, այն, որ տալիս է ոսկու բեռեր և ստանում է պղնձյա գրոշներ» (հ. 8, էջ 279—280)։

Կապիտալի աշխարհի ծաղկող քաղաքի այս գորշ պատկերները չեն հուսահատեցնում մեմուարիստին, նա լավատես է, լի ապագայի հավատով, նա զիտե, որ մարդկությունը երկար ժամանակ չի կարող մնալ «փխրուն ու փտած կամուրջի վրա»։

Շիրվանշահեն բուրժուական աշխարհը պատկերացնում է մի յուրօրինակ կամուրջ, անցման մի ժամանակյա շրջան, որի վրայով մարդկությունը պիտի անցնի դեպի իր լավագույն ապագան։

բայց ե՞րբ, ինչպե՞ս, դրա արագացնողը, հասունացնողը դարձյալ ինքը աշխատավոր մարդը պետք է լինի՝ իր կոշտացած ձեռքերով:

Այս միտքը նա արտահայտում է նաև մեկ այլ առիթով: Նավը կանգ է առնում Միջերկրականի ափին՝ Ալժիրում: Ածխակիր նավերի մոտ հայտնվում են նիհար ու պղնձագույն կուլիները, որոնք իրենց վտիտ ուսերի վրա համբերությամբ կրում են սև, տաժանակիր աշխատանքը, ինչպես եգիպտական ֆելլահները: Ածուխի կապարե ծանրության տակ երգում է կուլին, զվարճախոսում: Նրա միտքը շրջանակված է օրվա հացի հայթայթման տխուր ճակատագրով. ածուխի ծանր բեռի տակ նա ժամանակ շունի ուղղելու իր մեջքը, որ տեսնի, թե ինչպես է իր հարստահարված հայրենիքը հեծում օտարների բռունցքի տակ:

Նայում է մեմուարիստը նրանց և սրտի ցավով գրում. «Ո՞վ գիտե, գուցե ապագա պատմությանն այդ ածուխի սև փոշիով մրոտի նույն օտարի տիրապետությունը, իբրև հավիտենական աշխատանք մարդկային անարդարության» (Հ. 9, էջ 285)³: Մեծ է համակրանքը աշխատավոր մարդու նկատմամբ: Մեմուարիստը զրույցի է բռնվում շուկայում կեր որոնող մուրացկանի՝ աղբարկղներում բախտը որոնող chiffonnier-ների հետ, որը դուր չի գալիս Սոմիկոյին: Հայ բուրժուային վրդովեցնում է այն հանգամանքը, որ հայ գրողը Փարիզի նման քաղաքում ապրելու և քեֆ անելու գերագույն հաճույքից իրեն զրկելով, հետաքրքրվում է «դատարկ բաներով»՝ «աղբավաճառների» և մուրացկանների կյանքով ու ճակատագրով:

Բուրժուական հասարակարգի ծնունդ են դրանք, այդ ճանպետք մարդիկ: Սղել է ժամանակ, որ նրանք միլիոններ են աշխատել տիրող համար, հարստացրել նրա գանձարանը, բայց ֆիզիկական կարողությունը սպառվել է և աշխատունակությունը կորցնելուց հետո տները նրանց նետել է փողոց՝ ճակատագրի ողորմածությանը: Խոնավ կացարանը և գերմարդկային լարված աշխատանքը կաֆեի դարսունին ի վերջո ուժասպառ է արել: «Հանգամանքներն» ստիպում են նրան թողնել կաֆեն և աղբարկղների քառսում ուրիշի կորցրած ակնեղեն ու լաթեր որոնել:

Բուրժուական հասարակարգի քառսի վայրագ մրցույթում դեռևս մարդիկ կան, որ չեն կորցրել հույսը: Այդ մրցույթը տեղի է ունենում հասարակական միջավայրի տարբեր ոլորտներում:

Մեմուարիստն այստեղ չի խորանում ֆինանսական և արդյունաբերական կապիտալի անսահմանափակ տիրապետության ոլորտները: Նա կպիղծողիկ նկարագրում է կապիտալի աշխարհի տիպիկ օբյեկտներից մեկը, ուր այնքան բնորոշ ձևով, մի փոքր այլ նրբերանգով շարունակվում է այդ վայրագ մրցույթը, ուր ժտանել տվածն ու տարածը հասնում է միլիոնների» (Հ. 8, էջ 285):

Այդ, այսպես կոչված, «Hausmann»-ներում⁴ իրենց բախտն են փորձում «ոչ միայն պրոֆեսիոնալ բախտախնդիրները, անգործ ու անարվեստ երիտասարդները, կյանքից խաբված ծերունիները, անցյալ և ներկա կավատները, ապաշենը, գողության համար պաշտոնից զրկվածները, գրպանահատները, սրիկաները, այլև շատ գրողներ, բանաստեղծներ, հայտնի և անհայտ նկարիչներ, դերասաններ, երգիչներ, երաժիշտներ, արձանագործներ, նույնիսկ պատկառելի դիտնականներ ու պրոֆեսորներ... խաղում են նաև նրանք, որոնց անկիզբի սնդուկներն առանց այդ էլ ճարձատում են ոսկու ծանրությունից — ամերիկյան միլիարդերները: Ինչո՞ւ: Այն պարզ պատճառով, որ ազարտ խաղը նրանց տալիս է հոգեկան խորին բավարարություն, որ նրանց համար երջանկության շափ հաճելի է տասնյակ հիմարներից ու ապուշներից կողոպտել ու փողոց նետել (Հ. 3, էջ 285):

Դայթակղիչ է բուրժուական աշխարհի մրցույթի մոլեխաղի այդ ձևը, որը դրամի հնչուն կախարհանքով հմայում և ի վերջո կլանում է իր զոհերին:

Բուրժուական աշխարհում թղթախաղի վրա են դրվում ոչ միայն միլիոնավոր մարդկանց քրտինքով ստեղծված, կողոպտված ոսկիները, այլև մի թշվառ ժողովրդի ճակատագիր՝ նյութական հզորության ու բարոյական ոգու բարձրացման սուրբ նպատակի համար հանգանակված դամարները:

Շիրվանդադեն այս առիթով էլ է անդրադառնում հայկական հարցին. մի փոքր վերապահումով նա հրապարակում է այն դառն ճշմարտությունը, որ դաշնակցության պարագլուխները հայ ժողովրդի ոչ միայն նյութական, այլև գաղափարական, քաղաքական կողմնորոշումը, մինչև իսկ ֆիզիկական գոյությունը դրել են խաղաթղթի վրա: Փարիզի Օսման խաղատունը

³ Այս և հետագա մեջբերումները «Հ. 9» նշամար կատարված են Շիրվանդադեի հրկերի ժողովածուի 1961 թ. հրատարակությունից:

⁴ Խաղատներ, կլուրներ, ուր մարդիկ զբաղվում են մոլեխաղերով, մեծ մասամբ թղթախաղով:

Իսթվից փախած մի դաշնակցական տանու է տալիս 300 հազար ֆրանկի շափ գումար, Դաշնակցական կառավարության Փարիզի պատգամավորությունը խնամքով սքողում է այդ խայտառակությունը, որ շրենկեի իրենց վարկը ժողովրդի աչքում, բայց լուրը բերանից բերան տարածվում է:

Բուրժուական այդ քաղաքում կան և այլ կարգի գողեր, Դրանք «սովորական» գրպանահատներն են, որոնք ձեռքները կոխում են ուրիշների գրպանը և հաճախ չկարողանալով ժամանակին հանել, արժանանում են ոստիկանության ուշադրությանը:

Բուրժուական ծախու մամուլը աչքը փակում էր նման փաստերի դեմ: Թերթերն իրենց տերերին ծառայում են որպես «վաճառքի ելած պոռնիկներ»: Մինչդեռ շատ հետաքրքրական են ոստիկանության քրոնիկոնները, որոնք տպագրվում են դեռևս «չծախված» թերթերի էջերում. ահա մի նմուշ թերթի մեկ օրվա ոստիկանական հաղորդագրությունից: «Դիշերվա ընթացքում պատահել են ընդամենը երեք արկած—մի ինքնասպանություն անթույլի պատճառով, երկու սպանություն, մեկը սիրային հողի վրա, մյուսը կողոպտուի համար» (հ. 8, էջ 287):

Սա է հավասարություն, եղբայրություն, ազատություն լողունգներով առաջնորդող ֆրանսիական բուրժուական հանրապետության առօրյան:

Տարիներ առաջ և հետո հասարակական ներհակություններին անդրադառնալով Շիրվանդադեի բերում է ավելի տխուր պատկերներ նաև Բաքվից, ուր նավթաշխարհի բանվոր դասակարգը խարխափում էր խավարի ու տգիտության մեջ, ուր մարդկային հարաբերությունների մեջ իշխում է կանխիկ հաշվի պրակտիկան, ուր եղբայրություն, հավասարություն, ազատություն հորջորջվող միջավայրում կոլոպտում, շահագործում է մարդը մարդուն, նրա արյուն-քրտինքով հարստանում և փողի իշխանությամբ բռնաբարում իր հարյուրավոր զոհերի կամքն ու իրավունքը:

«Իմ աչքերի առջև մարդ էակն իր նմանի կոկորդը բռնած, պատին սեղմելով, խեղդում էր և ոչ մի անցորդ չէր փորձում խեղդվողին ազատել... Թավալելով տկարներին զորավորներն անցնում էին առաջ առանց ետ նայելու, շատ անգամ իրանց զոհերի դիակը կոխկրտելով երկաթե կրունկներով» (հ. 8, էջ 84):

Դավար չէ նկատել, որ խոսքն այստեղ փողոցում տեղի ունեցող քրեական հանցագործության մասին չէ, ոչ էլ դեպքի վրայով անցնող «անցորդի»: Հեղինակը նկատի ունի բուրժուական աշխարհի ընդհանուր միջավայրը, որի «երկաթե կրունկներին» տակ հեծում է աշխատավորը:

Փողի իշխանությունը և փողի կարիքը՝ տրամագծորեն հակառակ այդ հակապատկերները տպավորվում են նրա ուղեղում տակավին երիտասարդ հասակում, երբ նա նոր էր ոտք դրել Բաքու:

Շատ հետաքրքրական ու բնորոշ է այն պահը, երբ նա հարկադրված թողնում է աշխատանքը, իսկ մայրն ու բույրը նրա աշխատավարձի հույսով գալիս են Բաքու: Նա չի կարողանում վճարել կառապանի վարձը: Այդ պահին ամեն ինչի պատրաստ էր նա, միայն թե կարողանար վճարել կառապանի վարձը: «Ազնիվ մարդը իստակ անուն չի կարող պահել առանց փողի»... մարդ-անհատը միջավայրի արդյունք է, մարդու հոգեբանությունը՝ նույնպես: Միջավայրի վայրագ հարաբերությունները, ունեղրկությունը, կարիքը ազնիվ մարդուն դարձնում է անապիկ, գող: Ահա այն եղբակացությունը, որին հանգում է ռեալիստ գրողը Բաքվից ստացած դեռևս իր առաջին տպավորություններից հետո: Տարիներ անց այս միտքն ավելի պարզորոշ նա ստում է Սուսանի և Սուսամբարի զրույցում, իսկ այնուհետև «Ակոյի տոնածառը» պատմվածքում:

Ծանր են Բաքվից ստացած տպավորությունները. «Երբ գիշերները երազումս տեսնում էի, որ նորեն Բաքվում եմ, սարսափած զարթնում էի և ուրախանում, երբ զգում էի, որ դա երազ էր» (հ. 8, էջ 105): Այդքան մոայլ են եղիլ արդյունաբերական Բաքվից ստացած տպավորությունները: «Արագ հարստանալու տենչը», «սպեկուլյասիոնի ապականիչ ոգին» բուրժուականացող այդ քաղաքում «վարակել է ամենքին», «երեկվա շինականից մինչև համալսարանականը»: Ոսկին չնչել է բոլոր սրբությունների սահմանները: «Գուլի ախորժակով» հարստանալու մրցավազքի մեջ էր մտել բարեկամը՝ բարեկամի, եղբայրը՝ եղբոր, որդին հոր դեմ և «պատրաստ էին իրարու կոկորդը կրծտել»: Այդ «այլանդակ քառսից» է Շիրվանդադեի վերցնում «Քառս»-ի նյութը, որի գաղափարը հղացել է նրա մեջ տարիներ առաջ, անմիջական տպավորությունների տակ, երբ ապրում էր Բաքվում: Այդ ծավալուն երկի մեջ նա ներկայացրեց բուրժուական աշխարհի բառսի համայնապատկերը:

* * *

Բուրժուական աշխարհում փողով է գնահատվում ամեն ինչ: Ամեն ինչ ենթարկվում է նրա ամենազոր իշխանությանը, այդ թվում և արվեստն ու գրականությունը: Ով պայքարում է իրականությունը ճշմարտացիորեն պատկերող իսկական արվեստի համար, նա դառնում է այդ պայքարի

զոհը: Շիրվանզադեն բերում է բավականաչափ տխուր օրինակներ: Հիշատակենք իսկական արվեստի համար մարտնչող նահատակներից մեկին՝ Անդրեաս Տեր-Մարությանին (Խ. Աբովյանի արձանի հեղինակը), որ այնպես վաղաժամ մեռավ թոքախտից կամ, ճիշտն ասած, «անոթությունից»: «Դժբախտ մարդ, որպիսի՝ տառապանքներ ու զրկանքներ կրեց նա հանուն գեղարվեստի»... — գրում է Շիրվանզադեն:

Այլ է ճակատագիրը նրանց, ովքեր արվեստը հարմարեցնում են իշխող դասակարգի ճաշակին: Նրանք բնականաբար հարստանում են և հաղթում բիզնեսի մրցույթում: Ցուցահանդեսներում այցելուներ, վաճառասրահներում ղեկավարներ և նենալու համար այդօրինակ արվեստագետները կարող են ցուցադրել և ցուցադրում են մինչև իսկ Վիլհելմ Երկրորդի մերկ մարմինը պատկերող նկարը կամ «Իշի պնչով» մրոտված սենսացիոն «կտավներ», և այն էլ ոչ սովորական վաճառախանութում, այլ «անկախ» արտիստների ցուցահանդեսում, որի դռները բաց են ամենքի համար:

Փողը, Շեքսպիրի խոսքերով ասած, այդ համաշխարհային պոռնիկը, իր իշխանության տակ է առնում ամեն ինչ, անգամ աստծո երգվյալ սպասավորներին: Նվ հասարակության մեջ փառաբանվում են նրանք, ովքեր տեղ չպիտի ունենան հասարակության մեջ, ովքեր արժանի են միայն պարսավանքի:

Փարիզի եկեղեցիներից մեկում մեմուարիստը ականատես է լինում մի հետաքրքիր միջադեպի: Պատարազը վերջանում է, իսկ ժողովուրդը չի ցրվում: Հետաքրքրվում է. ի՞նչ արտաբերարգի բան է պատահել:

— Միթե չգիտե՞ք... տոնվում է ն...-ի ծննդյան յոթանասունամյակը, — լրջությամբ պատասխանում է մի երիտասարդ:

— Բայց ի՞նչ կապ ունի այդ մարդու ծննդյան տարեդարձը եկեղեցու հետ:

— Ի՞նչպես չէ, հարուստ է:

«Հարուստ է»: Այս «մոգական» բառը առանձին շեշտով ու զգացմամբ արտասանում են ոչ միայն գաղթական հայը, այլև ռամկավար, դաշնակցական, հնչակյան և հայ մյուս կուսակցությունների լրագրերը, որոնք որևէ առիթով արժանացել են հարուստի «զորմածությունը»: Մեմուարիստն այնպիսի նրբերանգներով է տալիս «հարուստի» հանգանակության նման դրամ տալու պրոցեսը, ասես բոլոր «բարեգործ» հարուստները կանգնած են քո առաջ:

Հայ վաճառականությանը և հայ եկեղեցուն Շիրվանզադեն դնում է մի դազաղ՝ մեջ. «միասին ծնվել են և միասին էլ մեռնելու են» (հ. 8, էջ 363):

«...Դերասան էր հայ եկեղեցին, դարեր կատարեց իր դերերը մերթ ողբերգական, մերթ կոմիկական, և այժմ նա զառամել է, այժմ նրա ատամները փտել են, նրա խուպուտ ու քայքայված ձայնն այլևս չի հասնում ժողովրդի լսելիքին և չի շարժում նրա սրտի և հոգու ոչ մի թել, զոնե այնպես, ինչպես զուցե երևակայում է ինքը: Նա պիտի հեռանա հայ կյանքի բնից և արդեն հեռանում է, իհարկե, ոչ ինքնահոծար, այլ պատմության անողորմ մտրակով, ժամանակախտաշունչ փոթորիկով...» (հ. 8, էջ 291):

Շիրվանզադեն անողորմաբար մտրակում է նաև հայ վաճառականությանը: «Հայ ժողովրդի կատաղի թշնամին» հողվածաշարով նա արդեն ցնցել էր Անդրկովկասի վաճառականական դասին: Սակայն նա դրանով չի բավարարվում: «Ինձնկրատ գրողը հետևողականորեն շարունակում է իր պայքարը ազգի անունից խոսող և աւղի անունը վարկարհկող այդ պարազիտային խավին: Նա բազմաթիվ օրինակներ է բերում նաև հայ գաղթօջախներից, որոնց ականատես է լինում իր արտասահմանյան ուղևորությունների ժամանակ:

«Նս միանգամայն ծիծաղելի աշխարհայեցողության արդյունք եմ համարում այն ընդհանրացված կարծիքը, — գրում է նա, — թե հայ վաճառականությունը հեռավոր երկրներում կուլտուրական դեր է կատարել» (հ. 8, էջ 361): Մի մատուռ կառուցելը, մի տպարան բանալի և կրոնական կամ առևտրական բովանդակությամբ գրքեր հրատարակելը դեռևս քիչ են այն «ճանր ու տխուր» հակակշռին, որով օտարները հայ ժողովրդի բարոյական պատկերի մասին շափազանց վատ և սվերին աստիճանի վերավորական դադափար են կազմել: Հայ վաճառականության պատճառով:

Շիրվանզադեն, որ այնքան դրվատանքով է խոսում ամերիկահայ գաղթօջախի և իրենց վարկը զնահատող հայ հարուստների մասին, դարձյալ վկայակոչում է տխուր օրինակներ, թե ինչպես հայ վաճառականների շահամոլության և խարերայության պատճառով հարցականի տակ է դրվել ամերիկահայ գաղութի ճակատագիրը: Ահա տիպիկ մի օրինակ:

Մի հայ գորգավաճառ Հյուսիսային Ամերիկայում «խարերյալ զնեցով» վաճառում է մի քանի գորգեր: Խարերայությունը բացվելուց հետո ամերիկացին փորձում է վերադարձնել գորգերը նույնիսկ 25 տոկոս զիջումով: Գորգավաճառը մերժում է: Ամերիկացին առժամանակ լռում է: Բայց ահա մեկ օր գորգավաճառին անհրաժեշտ է լինում վերցնել առևտրական վկայագիր, կա-

առավարությունը մերժում է. ավելին, վկայագիր տալու փոխարեն, ղրկում է առևտրականի իրա-
վունքից: Գործը դրանով էլ չի վերջանում: Հարց է ծագում. արդյոք հայերն իրավունք ունեն
առևտրով պարապելու կամ Ամերիկայում ապրելու, նրանք ճերմակ ցեղ են, թե՞ սևամորթ: Մեծ
դժվարությամբ՝ գիտնականների, փաստաբանների և պատմաբանների միջոցով ապացուցվում
է, որ հայերը կարմրամորթներ կամ սևամորթներ չեն, ի՞նչ դա չապացուցվե՞ր,— գրում է մե-
մուարիստը,— ամերիկյան ամբողջ հայությունը, որի 95 տոկոսը բանվորներ են, պետք է հա-
լածանքի ենթարկվե՞ր կամ վտարվե՞ր Ամերիկայից:

«Փարիզի հայ գոհարավաճառները և հնավաճառները (antiquaire) իրենց բարոյական
նկարագրով գրեթե նույնն են, ինչ-որ Ամերիկայի գորգավաճառները կամ առհասարակ բոլոր
վաճառականները»... Ահա նրա վերջնական եզրակացությունը: Բուրժուական աշխարհի «կորդի-
առանց միջոցների խտրության» սկզբունքը չէր կարող շրջանցել հայ վաճառականությանը: Դա-
սակարգային հասարակության մեջ արտադրամիջոցների տերերը երբեմն-երբեմն ցուցադրաբար
«ողորմելի զրոշներ» են զոհել ազգային կամ հասարակական նպատակով, հանուն իրենց գո-
յության:

Շիրվանզադեն խոր ատելությամբ է լցված և հայ բուրժուազիայի նկատմամբ: Նա անձնա-
կան ծանոթություն է ունեցել նրանց հետ, որոնց «դեմքը շատ էլ մրոտ չէր»: Բայց ճանաչել է
բոլորին և վերհիշել յուրաքանչյուրին «գեղարվեստական ամբողջությամբ» իր գործերը շարա-
դրելիս, ուր հրապարակ քարշ տալով ներկայացրել է «ապագա սերունդների անարգանքին»:

Շիրվանզադեն մեծ հոգեբան է ոչ միայն իր գեղարվեստական «մաքուր ժանրի» գործերում,
այլև մեմուարներում: Նա հոգեբանական նուրբ վերլուծություններ է կատարում ոչ միայն
հղփացած բուրժուաներին, այլև «մազազիներին հրապույրով» զայթակղված իշխանազուն կա-
նանց բնութագրելիս. կանայք, որոնք իրենց պարապությունը մեղմելու համար զբաղվում են
մոլեխաղերով և պատրաստ են թղթախաղի վրա դնել իրենց ազնվականական պատիվը:

Հոգեբանական նուրբ դիտողություններով, մեղմ հումորով և քաղաքական սատիրայի այլև-
այլ ձևերով նա ձաղկում է ազարտ խաղի երկրպագուներին. նզովում այդ խաղի մութ բովան-
դակություն ունեցող տները, որոնք շատ տներ են քանդել և շատ մարդկանց անբախտացրել:

«Գյուղացու դառը քրտինքի վաստակը» այսպես կոչված, «կապալավարձը» մտրակի ուժով
հավաքելով, կալվածատերերն ու նրանց պնճամուլ տիկիները վատնում են այդ խաղատներում, և
պարտքի տակ ընկնելով հարկադրված դիմում վերջին խանութպանին՝ փոխառություն վերցնե-
լու, պատրաստակամություն հայտնելով գրավ դնել իրենց կալվածքները ու ճորտերին:

Իսկ երբ դրամ ձեռք բերելու բոլոր միջոցներն սպառվում են, դատարկ քսակներով մտնում
են նրանք գոհարեղենի «մազազիները» և «սխալմամբ» մի բան վերցնում. Ամուսինը հասարա-
կական կարծիքից իր պատվով փրկելու համար հարկադրված վճարում է «կլեպտոմանիայով»
տառապող իր կնոջ գողացած իրի արժեքը:

Այսօրինակ փաստերով Շիրվանզադեն մերկացնում է բուրժուական աշխարհի հասարակական
միջավայրը, նշանակում բարոյապես ընկած «ազնվականի» անազնիվ վարքագիծը:

Շիրվանզադեի մեմուարները լեցուն են մարդկային արժանապատվությունը ոտնահարող
հարուստների անմարդկային վարքագծի դրսևորումների նկարագրություններով: Բայց ավելի
անարդար ու վայրացուցիչ է քաղաքական-դիվանագիտական այն միջավայրը, ուր ոտնահարվում
են փոքր ժողովուրդների և փոքր պետությունների իրավունքները: Որքան էլ մեմուարիստը խու-
սափում է դիվանագիտական հարցերից, այնուամենայնիվ, զրոգ քաղաքացու անհանգիստ սիրտը
չի կարողանում անտարբեր մնալ գիշատիչ տերությունների ագրեսիվ գործողությունները տես-
նելով ու զգալով:

Շիրվանզադեն մեծ հումանիստ է, բարձր կուլտուրայի տեր զրոգ: Բուրժուական աշխարհի
վայրագ միջավայրում նա վեհանձնորեն բարձր է կանգնած մնում առօրյա մանր հարցերի մեջ
խճճող լաբիրինթոսից և կարողանում է տեսնել կյանքի բանաստեղծականն ու օրինակելին: Նրբ
աշխատավոր մարդու արյուն-քրտինքի վաստակի կողոպտմամբ ձեռք բերած խանութում կամ
միլիոնատիրոջ ձաշարանում նրան են վերադարձնում դրամի մոռացված մասերը մեկ կամ մի քա-
նի օր հետո, ոսկու անսահմանափակ իշխանության դեմ ըմբոստացած զրոգին չի խանդարում
հաղթահարելու հարուստների նկատմամբ ունեցած ատելության զգացումը, և նա գոհունակու-
թյամբ հարգանքի տուրք է նվիրում դրամը վերադարձնող վաճառողուհուն, զնահատելով նրա
բարեկիրթ վարմունքը որպես կուլտուրական վարքագծի օրինակ:

Այս առումով էլ պետք է գնահատել ու արժեքավորել մեծ հումանիստի մեմուարային գոր-
ծերը, որը հնարավորություն կտա ըմբռնելու նրա իրարամբեր կարծիքներն ու մտահանգում-
ները բուրժուական աշխարհի բարքերի նկարագրություններում:

